

Bedeutnis vnd offenba- rung warer himlischer influentz

Alle Landtschafft vnd Stend / mit irem glück vnd
vnglück / klerlich betreffend / Von dem 1540
jar zü jaren werende / bis man schreybt
1550. jar. Gestellt durch C. F. G.
von Brandenburg hoch-
ersarnen Mathe-
maticum.

AD. Johaſſ Carion.

Gebessert vnd verlengt mit eyner verborghenen
Prophecey desselben Carions / on allen
frembden anhang vnd zûsatz.



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.



Dem Durchleuchtigen Hoch-
gebornen Fürsten vnd Herrn/Herrn Joachim
Marggrauen zu Brandenburg/dem jüngern/
zu Stettin / Pommern / der Cassuben vnd
Wenden Hertzogen / Burggrauen
zu Nürnberg / vnd Fürsten
zu Rügen/meynem gnedig-
en Herren.



Durchleuchtiger Hochgeborner Fürst vnd Herr/
mit erbietung meynen gantz vnderthenigen / ges-
horsamen / vnd pflichtigen diensten gegen E. S.
G. zu allen zeiten züvor an / Gnediger Herr / nach
dem vnd ich in betrachtung des gemeynen sprich-
worts / Welcher das sein verbürgt / der thut Key-
nem andern abbruch / wer aber kunst verhelet / vnd nicht mittey-
let (wie eynem yeden menschen / Beforder die auß den obersten
einflüssen vnd züneygungen her kummen) derselbig thut vilen
vnrecht. Dieweyl ich dann fast her spüre vnd sihe / das yetz täg-
lich hin vnd wider / ja gar nahe allenthalben / in disen vnsern zey-
ten Propheceyen vnd Practicken außgehen / yetz von disem /
dann von ihenem / vnd der merer teyl (als ich merck) auß ayges-
nem gütduncken derselbigen Warsager oder vermeynten Astro-
nomis / Etlich auch auß eynem grund / der doch bis anher gantz
wenig gefunden seyn. Derhalben ich es dafür achte / das die et-
wan die Bücherucker / oder andere vnersarne in diser kunst / von
ihnen selbs erdichten (dieweyl keyn rechte ordnung oder process
im denselben gehalten / brauchen auch der kunst terminos vnd
namen nicht recht) vnd also vnder das gemeyn volck für newe
mâr außgießent / vnd darzü geben sie solchen Propheceyen ey-
nen solchen weydlichen vnd dapffern Titel / das der leser / so er
die ansichtig wirdt / nicht wol vnderlassen kan / müß eyne kauf-
fen / vnd so man dann in die materi (der meyster hammerleit)
kumpt / ist es (weyß nicht womit) versigelt. Derwegen gnedig

A ij

ger Herr/würd ich auff das newe bewegt/zü ehren E. S. G. vñ
nutz sonst aller menschen/mein Prognostication / so ich on ges
fehr vor vier jaren gemacht (die dannocht on meynen willen in
den druck kam) vnd yetz auff das new hinder meynem ruck ge
druckt/mit anhang etlicher loser frauzen/Lolharts/Brigitte/Me
thodij/etc. denen ich all mein leben lang gram gewesen bin/Vñ
darzū gehen sie auß keynem grund / hett derhalben wol mögen
leyden/so sie ye mein Practick drucken hetten wöllen/das sie es
bey meynen Worten bleyben hetten lassen / dößten mir weder
Münch / Nolbrüder / oder Nonnen trewm hineyn schreyben.
Disß alles zū confutiren/wurde ich gereyzt / die zūverbessern vñ
verlengen/bisß man schreyben würd nach der gepurt Chusti vn
sers Herren Fünffzehen hundert vnd Fünffzig jar/ wer alsden
leben würdt / mag die weyter erstrecken. Nicht aber gnediger
Herr/das E. S. G. oder andere was Standes die dann weren/
mir wolten zulegen / ich versürete die Chrißten / vnd machte sie
eyn solchen Heydnischen thandt anhengig/ So disß mein büch
lein abermal (wie vor beschehen) ein mal oder mer zükünfftis
ge warheyt anzeygen würde / so hat doch macht vnd willen zū
glauben wer do will/Wiewol nicht weniger ist/dann das man

Joan. 14 Gott vnd seyn heyliges wort (vñser aller speyß) alleyn für die
höchste/gewisseste / vnd edelste warheyt erkenn vnd halte/vnd
sunst keyner andern beylere (wie hübsch sie ymmer gleissen oder
scheynen mag) stat vnd glauben geben/Es sey halt inn den ges
sätzen des glaubens/ordnung der Kirchen/Clöster/oder andern
Stettischen Policeyen/nach vil weniger inn den Prophecyeen
oder Warsagungen / Noch dannocht finde ich eben die Kunst
Astronomiam / vnd volgend Astrologiam ye lenger vnd mer
one ein sonderlich gründlich gehymnus nicht sein/deren dann
sich nicht alleyn von anbegin der welt / vnd bey vnd von Noe
zeyten her (als der wol vil zum gegenwurff auß der Biblia vñ

Gene. 10 Cronicken einzufüren/beforder Ionichus ein son Noe/ein Rat
geber Nemrots / dem doch nicht gefolget ward/vnd andere vil
mer) die vil künfftigs vorgesagt/vnd auch also erfunden wor
den ist/besonder auch die weysen vnd frummen Arabier/Egys

pter / vnd andere etliche vnd vil Orientische völder gebrant
haben. Auß welcher zal auch gantzlich zu glauben ist / die drey
Magi oder Weysen gewesen seyen / so da an dem gestirn gemer
cket haben / das ein Herr der ganzen welt / ja hymels vnd erden / **Matt. 28**
Christus nemlich geporen sey / vnd ein König aller Könige /
Demnach sie seyn woinung erforschet / vnd ime gehorsam vnd
ehr durch jr opffer erzeygt haben / welches das heylig Euanges
lium / vnd gar nicht zu verwerffen ist / Dann es haben vil der hei
ligen Gottes weyßgesagt / ja noch zu vnsern zeyten sagen sie
weyß / Aber vnser oren sind hart / vnd vnser gewissen verstockt
das wir sie nicht kennen noch hören / Vnd so wir sie schon kens
neten vnd höreten / verstünden wir doch jr meynung nicht / Got
öffnete dann mit seyner gnad vnser ohren. Darumb noch heut
dis tags Gottsfürchtige vnd verstendige menschen der geysts
lichen gaben Gottes / wol können weyßsagen vnd Propheceyen
nicht alleyn Propheceyen / sonder auch Sprachen reden / die sie **Acto. 20**
nicht gelernet haben / ja also one falschheyt vnd wan / güts vnd
arges den andern menschen eröffnen vñ anzeygen / wie wir von
vil heyligen vnd Propheten in warer erfahrung haben / welchen
allen ich mich in keynem vergleycht wil haben / weyß mich auch
layder vil zu boshaftig darzu. Deshalben sollen E. S. G. vnd
all ander mir solch Prognostication in keynem trutz oder frenel
ziehen / noch vil weniger für eynen widerstreber Götlicher vrtail
halten / Dann ich ja (Got hab lob) des verstandes / das ich dem
der da ist vnser aller Herr / Gott vnd Schöpffer sein vrtail reyn
lasse / vnd das sein Götlich gnad alle Stend / Königreych / vnd
Land schaffren bessern / ergern / meren vnd mindern mag / nach
derselben hohen Götlichen willen vnd grundlosen barmhertzig
keyt / Welchs alles sie mit keynem menschen noch Engeln berats
ten / alleyn bloß in derselben Götlichen hand ernstlich gestellet /
Deren ding aller ich mich yetz entschuldige / vnd will alleyn ans
zeygen nach hymelischer influxion / deren sich die alten Weysen
vil gebraucht / durch jr täglich experientz vnd erfahrungen. Wels
ches / angesehen Götliche schrifft / ein wanckelischer vnd krum
mer weg ist / den Gott wandeln / endern / oder bestettigen kan.

Doch will ich mich nach blöder menschlicher arbeit / nach natürllicher vermögung / so vil an mir ist / vnd ich ymmer kan / solche eynfluss anzeygen vnd auff vns vnd vnser Königreich vnd Landtschaffren bedeuten / Vnd so dann dises alles dermassen zutreffen würde / so sicht man der natur groß geheymnus in diser kunst / Ist es aber das gegenspil / oder das es Got sonderlich inn güts oder böß / nach büßwürckung / oder auch verrückung derselben menschen in eyner yeden Landtschafft / nach seynem Götlichen willen / enderen würde / ist doch allweg seyn vteyl recht / vnd sein Name in ewigkelt gebenedeyet. Vnd damit niemand achten möcht / ich fürte sollich Prognostication on eyner grund / so weysset doch eynes yeden Jars anfang dasselbig anders auß / vnd sind dis die fundament / darauß ich allerley Stende bedeutuns vnd influxion geschöpffet / Nemlich eynem yeden Jar hab ich sein Revolution gemacht / etc. (wie in vounger Practica zu finden vnd zu sehen / hierinn aber außgelassen / beyde / darumb das es zu lang / vnd den einfeltigen Layen vnbegreyfflich ist.) Darzu auch hab ich alle Finsternus der Sonnen vnd des Mondes erkündet / in welchen zeychen / grade / tag vnd stunden die weren / Desgleychen widerumb verloffte vnd zukünftige / mitle / grossen / vnd grösten der Planeten coniunction / vnd irer aller propueter auff das fleissigest erforschet / dardurch man die Türckischen / Machometischen / Arabischen / vnd Sarracenische Secten mit irem wesen erkennet / vnd sunst mit allen andern notdürfftigen vsachen so hierzu dienen / die all zu erzelen / den Leser beschweren würden / Damit ich ye etwas gewissers dann von andern bissher beschehen (doch nicht allen) mit der hilff Gottes schreyben vnd anzeygen wolt. Achte es derhalben nicht von nöten / das ich auff ein yedes bedeuten der alten erfarnen Lerer sprüch brauche / wie wol so es die not erfodern würde derselben eyner ganzen hauffen mit sampt iren sprüchen herfür rücken köndt / aber dis gibt oder nympt hieher nichts. Es sicht doch ein yeder halb erfarnet in Astronomia / das dis Büchlein one ein sonderlichen grund nicht geschriben ist / vnd das meyn außlegung vnd bedeutuns eyner ordenlichen process außrecht

ten fundamenten halten/wil aber eynem yeden der mich fragen
würde / allen bescheyd vnd vsach gern mittheilen vnd sagen.
Vnd wiewol ich doch in diser Prognostication fast vberal die
meynung in warheyt getroffen/beforder in dem / was schaden
vnd schrecken Italia vnd Rom im 1527. Jar haben werden/
wie im 1528. Jar der falschen vnd erdichten bündtnus halben
in Hessen/gar nahe ein mörderische auffrur worden were / wo
man im nicht durch frummer leut rath fürkommen were. Auch
im vergangnen 1529. Jar mit des Türcken zükunfft/vnd mit
der grewlichen wecklagung Wien / Ofen / vnd andern umbli-
genden Vngerischen vnd Osterreichischen Stetten/Schlössern
vnd Flecken/Auch das Mayland in demselben jar erst wider-
umb dem Römischen Keych gegeben würde/vnd in sein rechte
hand kummen/vnd zwischen Kai. Mayestat vnd dem König
in Franckreych friden gemacht / vnd das Kay. Mayestat im
Italia ehr vnd wurden erzeygt werden/vnd Florenz mit sampt
andern Stedten beschwerung haben/etc. Noch dannoch hab
ich vnangefochten nicht bleyben können / sonder eyner der sich
nennet Andreas Perlachius von Wien/hat wider mich geschri-
ben / vnd mich nicht mit geringen scheltworten gegen König-
licher Mayestat von Ungern vnd Behem geschmehet / Wel-
cher mir entgegen vnd den von Wien/frewd / fride/vnd glück-
liche zeyt verkündet/Eben do sie/layder Got erbarm es/mit als
len engsten vnd nöten umbfangen waren. Doch wie dem allen/
welchem vnter vns beyden die warheyt heymfelleet / laß ich E.
S. G. vnd alle Stend erkennen/wolt aber dannoch das ich ge-
logen / vnd er war gesagt hette / were Königlicher Mayestat
von Ungern etc. vnd derselben armen vnderthan vil leydlicher
Achte aber derhalben / gedachter Perlachius habe sich mer ges-
schendet vnd verachtet/dann ich im ymmer aufflegen möchte/
wil das also im zü lon vnd newem Jar geschenckt/vnd hiemit
verantwort haben gegen E. S. G. vnd sunst allermenigklich ic.
Aber eyns wolt ich dannoch/vnd gebe mein rock darumb/das
die Fürsten Teudtscher nation mein meynung zü oren genum-
men/vnd zü hertzen gezogen hetten / in dem das ich so trewlich

vnd hertzlich vor vier Jaren zu jnen allen schryb / vnd sie so
trewlich ermanet / dem Türcken bey zeyt durch jr aller liebe vnd
eynigkheyt vor zu kummen / Aber es war vmb sunst / wiewol ich
den Türcken mit allem seynem wesen abmalet / vnd jnen dem
Babylonischen König vergleychte / als er Jerusalem zerstöret /
vnd die Juden hinweg füret / Es halff aber jr aller Keyns / so neh-
men sie nun das daran / vnd nachmals noch ein ergers / wo sie
nicht klüger werden / dann bis hieher beschehen. Seind nicht
Ofen vnd Wien Jerusalem gewesen des vergangnen Jars / so
Buck man sich herwider? Dann die Juden vnd Kinder von Isi-
rael im alten Testament / die rechtglaubigen vnd anserwelten
Gottes waren / wie yetz im newen Christlichen Testament wir
Christen glaubhafftig dieselben seind. Dort im alten Gesetz
plaget Got die Juden (von wegen irer vbertretung) mit dem
Babylonischen König / hie von wegen vnser vberschwenck-
lichen grossen vngheorsams / straffet er vns mit der blütigen
scharpffen rüten / dem Christen feynd dem Türcken / Dann sol-
len wir durch vnrhü die ewigen rhü erlangen / so müssen wir
vnser heyligen Glaubens emsig anfechtung haben / Dann der
recht Glaub von anfang an / ye vnd ye vom Teuffel dem ewi-
gen feyndt / vnd seynem anhang / verfolgung leyden muß / etc.
Bevilch damit E. S. G. sampt jren Herrschafften vnd ver-
wandten / dem Höchsten in ewigkheyt / vnd mich derselben als
meynem gnedigen Landtsfürsten vnd Herren. Datum Berlin
am tage der Vnschuldigen Kindlein / der mindern zal. 29.

E. S. G.

Williger vnd ganz
gehorsamer

Johan Carion Magister.

Ein Christliche ermanung an Kay.

May. König / Churfürsten / Fürsten / Grauen / Hero
ren / Ritter / Edelleut / vnd alle Stende Christ
licher versammlung / Joannis Carionis.

Wenn Got im alten Testament eynen Propheten er
wecket hat / ist es gemeynlich nicht / dann one ein
groß mercklich vrsach der straff vnd wunderzeyche
Gottes geschehen / derhalben auch ire Propheceyen
besonder die Christum vnd die figur des newen Te
staments vnser heyligen Christenlichen glaubens bedenten / ers
füllt vnd volbracht sein / vnd ire etlich in vnsern zeyten yetz ym
merdar eyne nach der andern volbracht werden / vnd one zwey
fel iretlich auch noch zukünfftig / wie dann Christus der oberst
Prophet durch sein Götlichen mund verkündet / auch sunst an ^{Mat. 24}
vilen andern orten der heyligen Propheten / besonder in ^{Coloss. 2} Isaia /
Amos / Daniel vnd Abacuc vermeldet ist / Dann wo die spruch
der Propheten von trübsal / mühe / sorg / angst vnd arbeit sagen /
werden sie gemeinlich mer dan ein mal / sonder zum öftermal
erfüllet / vnd auch wir der aller grausamesten vñ bittersten straff
nicht ein mal / ja zu hundert tausent / vñ noch vil mer malen wol
würdig vñ werd sein / Darumb auch eben die prophecey Abacuc
nicht allein den Babylonischen König bedent / sonder zeygt auch
eben an zu vnsern zeyten den Türckischen Kayser / Dann ye der
Prophet anfechtung der rechtglaubigen anzeygt / wie oben ver
meldet. Derhalben ich geursachet wird / vnsern Fürsten des pro
pheten eygne wort anzüzeygen / vnd lauten also.

¶ Herr / wie lang sol ich rüffen / vnd du wilt nicht hören? Wie ^{Abacuc}
lang sol ich zu dir schreyen vber frenel / vñ du wilt nicht helffen?
warumb lasset du mich sehen mühe vñ arbeit? warumb zeigest
du mir raub vnd frenel? Es gehet gewalt vber recht / darumb
müß das gesetz wancken / vnd kan keyn recht zum ende kumen /
dann der gotloß vberfortheylt den gerechten / darumb gehen auch
verkehrte vnter die Heyden vnd verwundert euch /

B

Dann ich wil etwas thun zu ewer zeyten / welches jr nicht glauben werdet / wenn man darvon sagen wirdt / Dann ich wil erwecken die Caldeer (da mögen wir wol sagen die Türcken) ein bitter vnd schnell volck / welches ziehen wirt als weyt das land ist / Wohnungen einzunemen / die nicht seyn sind / vnd wirt grausam vnd erschöcklich / Welchs volck wirdt richten nach seyner art / Seyne pferdt sind schneller dann die Parden / vnd seyne Keyter kummen von ferne / vnd werden daher fliegen wie ein Adler zu dem aß / Sie werden kummen nur zu freuch / vnd her faren wie ein schneller wind / vnd die gefangnen zusamen samlen wie den jand / Solchs volck wirt der Königen spotten / vnd der Fürsten lachen / Alle vestungen werden jme ein schertz seyn / Dann es wirt schüt machen vnd die doch gewinnen / Also den wirt es ein newent mit nemen / wirdt fort faren vnd sich versündigen / aber dieweil es gewinnet / muß sein syg seyner Gots sein / Aber du Herr der du bist von ewigkheit her / laß vns nicht sterben / sonder o Herr / laß jnen nur ein straff sein / vnd laß jnen / o Hort / vns nur züchtigen / Dann deyne augen sind reyn / das du vbel nicht sehen magst / vnd dem jamer kanst du nicht zusehen / Warumb sihest du dann zu den verächtern / vnd schweygest / das der gotlose verschlinget den / der frummer ist dem er / vnd lassst die menschen gehen wie visch im Meer / wie gewürm das keynen Herren hat / Er zeucht es alles mit seyner hammen / vnd fahets mit seyner netze / vnd samlet mit seyner garn / des frewet er sich / vnd ist frölich / Darumb opffert er seyner netze / vñ reuchert seinem garn / weil durch dieselbigen sein teyl so seyest / vnd seyner speys so völlig worden ist / Derhalben wirfft er sein netz noch ymmer auß / vnd wil nit auffhören leut zu erwürgen.

Abat. 2 Der Herr antwort aber mir vnd spricht / Schreyb das gesicht vnd male es auff ein tafel / das es lese wer fürüber gehet / Nemblich also / das gesicht stehet noch bis zu seyner zeyt / vnd wirt endlich frey an tag kummen / vnd nicht aussen bleyben / Ob es aber verzöge / so harre sein / es wirdt dir gewislich kummen vnd nicht verziehen / Wer aber darwider strebt / des seele wirdt nicht gelingen.

¶ Wie plötzlich werden auffwachen die dich beyssen / vnd erwachen die dich wegstoßen werden / vnd du müst inen zu teyl werden / Dann du hast vil Hayden geraubet / vnd so werden sie dich wider rauben / mit den vberigen iren völkern / vmb der menschen blüt willen / vnd von wegen des freuels / auff dem Landt vnd in der Stat / vnd allen die darinnen wonen / etc.

Welche weyter lesen wollen / suchen den Propheten in der Bibel / so finden sie den text im aufgang noch vil erschrocklicher.

¶ Darumb / o du Christenlicher Kayser / vnd jr Christenliche König / Churfürsten / Fürsten / Grauen vnd Herren / auch jr gewalthabende menschen / Geystliches vnd Weltliches standes / gemeyner armen Christenheyt / Lassend euch des heyligen Propheten so treulich wecklagen vñ warnung / ein witzigung vnd fürsichtigkeit seyn / Brauchent ewer ratschleg in aller Christenlichen vorsorg / Dann die heyligen Propheceyen seynd der merer teyl alle vorgeben / Derhalben was wir nun der zeyt leben / ist vbermaß / vns zugegeben / oder oben dreyn gescheneckt (wie man sagt) Seynd gewertig all stund vnd augenplick des hauss vatters / damit er vns nicht schlaffend finde / Dann eben sage ich euch / das die wochen Danielis des heyligen Propheten / nun zum andern mal fürüber seind / nach der zerstörung Jerusalem / Derhalben die Königreich / so er vns durch die vier Horn verzeychnet / sich stoßen werden. Dann haben die zal der wochen den Juden (die dazumal das volck Gottes hießen) vbels getrowet / die doch frümmer (dan wir) waren / werden sie fürwar vns (so wir nicht widerkeren) etwas ergers bringen. So seind auch grausame zeychen des hymels an Sonn / Mon / Sternen / vnd impressionen zu der vbermaß gnügsam erfüllet / nun etlich vergangen jar her (nicht mit wenigem schrecken) beschehen / auch treffliche vnd schnelle verenderung großmechtiger König / Fürsten vnd Herren (vnd das noch vil mer ist) vertunckelung Göttlicher wort / durch falsche heupter vnd Propheten / Ja recht hat auch Christus weysgesagt / das erkalten werde die lieb der menschen. Amos verheyst vns auch in den letzten zeyten ein hunger / aber nicht brods oder wassers / sonder des wort Gottes.

B ij

Welche widerwertigk eyten vns allen eben die letzte zeyt vermelden / Deshalben abzunemen / das wir yetzunder von der neygezere / vnd dem faß der boden bald vbersich gestürzet wirdt. Darumb du güttigester Kayser / vnd jr andere meyn gnedigste / gnedige König / Churfürsten / Fürsten vnd Herren / beyde geistlich vnd weltlich Christenlicher versamlung / ist mein inniglich Begeren / vnd gantze trewe ermanung / das jr allenthalben vnsern yetz so gar sorglichen stand betrachten wöllent / vnd vnser vngewiß mißlich leben behertzigen / vnd yetzund meynere warnung / ja trewen rathes / mit dem ich (als mir Gott sol helffen) euch allen verwandt / stat vnd glauben geben / Nicht das ich mein meynung vber ewer so hoch verstendige vernunfften vnd weißheyten preyse / denselben ewern hohen verstanden zu rathen der ich doch dem wenigsten vnter euch zu Keynem fürstlich würdig / muß geschweygen eynen rathgeber / Allexn das mich eynes grewlichen wetters anet / welchs vbergang euch alle netzen wirdt. Derhalben jr Christenliche heupter / jr edlen Fürsten / nempt an euch in disem jamer ein milten vnd eintrechtiglichen Friden / damit creutz gegen creutz nicht fechte / ein Christ wider den andern lernet dieweyl vns die zeyt so grewlich ansicht / milt / gütig vnd barmhertzig zu seyn / Nempt / behaltend vnd beschützend was ewer ist / vnd was euch Got zu ewern ehren vergöndt / vnd was nicht ewer / so helffend doch dasselbig zu handhaben / zu beschützen vnd zu beschirmen / dem es von rechte zu erhalten gehört / Arbeit vnd sorg nicht ein yeglicher (durch geytz) in seynen sack / dann der geyst begert nicht vil weltlicher ehr vnd güter / aber der leyb das widerspil / Stelle ein yeder sein termin heut zu sterben / verhoffe nicht vberiger tag / so lauffen on allen zweyffel seyn sach zu gnedigem ende / Dann die art ist yetz an die wurzel gesetzt / vnd dem holzhawer befolhen den baum zu fellen / Darumb gebe Keyner dem andern vrsach zu kempffen / Dann so jr euch auffrührisch gegen eyntander lenen werdet / so sicht es etwa ein frembder / der tregt darab gefallen / vnd lachet im seyn hertz / sucht zeyt / vrsach / vnd gelegenheyt vber euch alle zu kummen / Des muß ich euch ein Exempel oder beyspil sagen / Es begabe

sich auff ein zeyt bey eynem Bach oder fluß/das ein Grosch vnd
ein Maus mit eynander zanketen vnd kriegten / ye eins das an
der zwingend / das es mit im im seyn wouung solt/die Maus
in das wasser/vnd der Grosch auff das landt/welchs doch irer
beyder natur entgegen was/wurden endtlich der sach also eins/
bunden sich mit eynem faden zůsamen / vnd solt yegklichs zie-
hen vnd strecken/welches das ander im sein wouung zůg oder
schlöpptet / da solten sie bey eynander wouen / Im dem als sie
kempfften / ersah die ein Storch / vnd nam sie beyd hinweg/
der frass sie / vnd ersettiget damit seyne jungen/also müsten dise
beide kriegter yegklicher sein wouung verlassen. Darumb jr Chri-
stenlichen heupter / betrachtend vnd behertzigend diser zeyt so
groß ansehung vnd trübsal / bedenkend ja das jr alle glider
eynes cōpers seynd/welchs haupt Christus ist / Vnd als wenig
ein glid des leybs das ander verseren oder verletzen mag / der
massen spiegelteuch vnder eynander auch / damit nicht ein frem-
der kumme / vnd neme euch beyde / oder all mit eynander / gebe
euch auß der freyheyt inn die dienstbarkeyt / ja wol gar inn den
todt / vnd dan erst ewer hader entscheyden / vnd ewer zank ende
neme (so ist es euch vnd ewern armen leuten zů lang geharret)
Dann so jr kinder der gnaden vnd des frides seyt / müßent jr ye
auch derselben werck thun / wöllent jr anders den namen behal-
ten / Werdent jr aber die werck lassen / vnd doch ymmerdar euch
des namens gebrauchten / wirdt fürwar Got ober euch alle einen
Storchen senden / vnd der greuel der verwüstung euch vnd die Mat. 23
ewern oberfallen / also / das auch die außewelten möchten bes-
trübet werden vnd schaden leyden. Darumb lassent vns Gott
eyntrechtigklich mit reuwigem hertzen bitten / das er vns seynes
grundlosen gnad vnd barmhertzigkeyt nicht beraube / auch die
augen seynes milten güttigkeyt yetz inn disem betrübtten ellend
nicht von vns wende / Darzů helffe vns Got Vatter / Son / vnd
heyliger Geyst / Amen.

Erslich ist zů mercken / das man das gantz vörder teyl dises
Büchleins zů eynem yeden Jar lesen müß / so gibt es dem les-
ser eynen verstand / was ich damit mayne. &c.

B ij

Hiernach volgen. XL. Jar / ein
yeglichs mit seiner sonderlichen vnd würrcklichen
Bedeutnus himlischer influxion / Alle Landschafft vnd
Stende mit irem glück vnd vnglück betreffend.

Von dem. XL. Jar.

Sonn.



Sontag Buchstab

D C.

Ist ein schalt Jar.

Gülden zal

2.

Zwischen Weyhenacht vnd Fastnacht 6. wochen vnd 3. tag.

In diesem Jar wirdt die groß vnd grausam Finsternis der Sonnen sich außspreiten 12. punct groß vnd wirdt der gantz körper der Sonnen bedeckt / Mittwochs nach Quasimodo ge. vor mittag vmb 5. vñ 37. minuten / in dem 27. grad des Widers / welche innerhalb etlich hundert Jarn solcher gestalt nicht gesehen vñ vermerckt ist worden. Was aber die güts vns bringe wil / weiß Got der allmechtig am besten. Auch gehet alsdan die Sonn in den ersten puncten des Widers / welchs vns des jarn anfang zeygt auff den 10. tag des Mertzzen vor mittag vmb 11. vt vnd 32. minuten. Welche influxiones vns samptlich anzeygen wunderliche verenderung / vnd das in diesem jar vil König vnd Fürsten zügleich ein Königreich regieren werden. Nach dem aber vnd ein alt sprichwort ist / Vil köch saltzen selten recht / ist zü besorgen / Das darauff groß zwitteracht vnd vneynigkeit erfolgen werde vnder Königen vnd Fürsten. Auch werden im diesem jar sich manch


gefencknis vnd kummer begeben mit manchen anfechtungen im
 Teutschen landen / vnd sonderlich werden vil der obern Geys-
 lichen betrübt in gefencknissen vnd andern widerwertigkeyten /
 Derhalben etliche Fürsten vnterlügen werden. Vnd von wegen
 der constitution Iouis in duodecima in Saturni quadriato wer-
 den villeycht Thumb vnd Stiffkirchen schaden leyden. Derhal-
 ben der Keynstram in disem jar seyn sach in gütter achtung trag.
 Vnd in disem Jar wirdt Venedig / Meyland / vnd vmblygende
 Stett in Italia mit hefftigem kummer vnd engsten betrübt wer-
 den / Lottring / Burgundia / vnd zum teyl Hispania / werden mit
 grossen vnd schweren kranckheyten beschweret werden. Den-
 marck / Norwegen / vnd Schweden / auch Preussen vnd Liff-
 land / werden one blütuergiessen / vnd grewliche verwundung
 diß Jars nicht enden. Es werden auch die Fürsten vnd Res-
 genten diß jars vnter jnen Ordnung wöllen machen / aber von
 wegen der menge der anfechtunge zu keynem ende gedeyhen.
 Vnd wirt sich vnter jnen manche handlung hin vnd wider be-
 geben / vnd fürwar nicht in geringen widerwertigkeyten. Vnd
 in Summa / wirdt bey der warheyt meyns bedunckens diß jars
 würckung mancherley hand / Gott geb vns seyn Götlich gnad
 vnd barmhertzigkeyt.

Von dem. XLI. Jar.

Mon.



Sonn.



Sontag Buchstab

Gülden zal

Zwischen Weyhenacht vnd herrn Fastnacht. 9. wochen. 1. tag.

B.

3.



Der Mon wirt in disem Jar auff den tag Gregorij
morgens umb 4. vñ 14. minut. 16. punct groß bes
finstert in dem ersten grad der Wag/ vñ gehet die
Sonn in den ersten puncten des Widers/ auff den
10. tag Martij nach mittag umb 5. vñ 24. minuten
ist der 23. grad der Junckfrawen in dem ascendenten. Es wirt
auch die Sonn befinstert auff den 20. tag Augusti 33. minut nach
eynem 3. punct groß oben herab/ in dem 5. grad der Junckfraw
en/ Welche constellationes samptlich vns anzeygen Rumor vñ
widerwertigkelt/ zwischen Fürsten vñ dem gemeynen pöfel/
Vñ wo/ alsdann die Fürsten nicht sonderlich geschickligkelt
Branchen/ ist zu besorgen/ das ire vnterthan die oberhand wider
sie behalten. Vil widerwertigkelt wirt sich bey Keynischen Für
sten begeben. In Schweiz/ Wirtemberg/ Osterreich/ auch zum
teyl im Düringen vñ Hessen/ werden vnerhörte Franckheyt
vnter dem gemeynen volck entstehen/ Aber güteynigkelt wirt
dan in Engeland/ dergleychen Brabant/ Burgund vñ Mey
land. Alle Stet die inn oder nahe an dem Meer ligen/ als Vene
dig/ Hamburg/ vñ ander dergleychen/ werden harte Franck
heyt vñ Pestilenzische vergiffung haben. Rom vñ Flo
renz/ mit sampt andern Italischen Stedten/ werden gnügsam
glück haben/ Aber ire Geystlichen werden trauren vñ klagen/
Vñ vor diser vñ nach diser zeyt werden die in Welschlanden
vil sitten der Teutschen gebrauchē/ auch Reformation irer Geist
lichen machen/ Aber güteynigkelt wirt in Denmarck/ Schweden/
Norwegen vñ Littaw/ sicher der Krieg vñ Franckheit/ Preuss
sen aber wirt ein sterbliche sucht erleyden mit etlichen seynen
vmbliegenden orten.

Ray. May. wirt in disem jar vil anfechtung haben von seyn
nen vnterthan/ vñ villeycht seynen Sön vnglück oder vnter
gang sehen. Andere Churfürsten vñ Fürsten des Reichs/ wer
den auch mit vil vnmüßigkelt beladen. Geistliche personen/ ho
hen vñ nidern Standes/ werden in vnglück stehen biss in das
fünff vñ vierzigest jar/ darnach wirt jr waynen in lachen/ vñ
warbeyt in rhū gewendt.

Kriegsleut.

Kriegsleut werden gut glück haben vnd Kriegs gnüg/Befor
der in Schwaben/Wirtemberg vnd Lothing. Kauffleut vnd
händler werden gefencknis vñ verlust haben. Weiber/Kinder vñ
spillent erlangen gute zeit/Dergleichen wirt in glück stehen das
gemein handtwercks volck in freud vnd guter hoffnung.

Von dem XLII. Jar.

Mon.



Sontag Buchstab

21.

Gülden zal

4.

Zwischen Weyhenacht vnd Fastnacht. 8. wochen vnd 0. tag.



S wirt der Mon in disem jar vngesehr anderthalb
punct groß oben herab befinstert auff den ersten tag
Martij nach mittag vmb 8. vnd 26. minute in dem
20. grad der Visch/ vnd gehet die Sonn in den ersten
punct des Widers/ welchs des jars anfang ist auff
den 10. tag Martij nach mittag vmb. 11. vnd. 13. minuten/ ist der
25. grad des Scorpions in dem ascendenten / Bedeut zimliche
rhü in allen Landschaften. Den aber wirt ein falscher Prophet
leren vnd predigen/ vnd seyn leer wirt vilen gefallen/ aber endt
lich wirdt er nach folgender zeyt offentlich zu schanden/ An ime
wirt hangen Wirtemberg vnd der Keyn/ mit sampt vmbligens
den orten. Vnd in disem jar wirt Ungern ein newen tugenthaff
ten König haben/ der Croacien/ Dalmacien vnd Behem wolre
gieren wirt/ aber vber Osterreich wirt er kein herr sein/ Den wirt
man des Türcken nit mer dencken/ Doch werden zu dem Chri
stlichen reych verlorne land langsam wider gebracht/ wiewol der

Ⓒ

Constantinopolitanisch Kayser wirdt ein freund der Chriſten/
vnd gütig in ſeyner regierung/Aber die Keychſtet werden in die-
ſem jar ein groſſen mütt nemen/aber ſie ſollen ſich fürſehen/das
mit jnen die zwey folgende jar/mit jre alte tödten/vnd jre ſtarcke
gefangen nemen/Hie ſteckt mer/das müß man nicht ſagen. In
Schweden vnd Denmarck/werden groſſe Kranckheiten die leut
beſchweren/vnd vil ymbbringen.

Der Römisch Kayser wirt in diſem jar ſchlaffen/vnd gleych
ſein als ob man kein Kayser het. Es wirt vnter den Fürſte auch
ſtil ſein/vnd die Martialiſchen werden ſchaden leyden/Die henn-
deler Seewartz haben glück/aber die andern nicht/Das gemein
volck wirt in mittem weſen ſeynen ſtand führen.

Von dem. xliij. Jar.

Sontag Buchſtab

G.

Gülden zal

5.

Zwiſchen Weyhenacht vnd Faſnacht 5. wochen vnd 6. tag.

Die gegenwertig jar wirt roeder Sonn noch Mon be-
ſtirt/vnd gehet die Sonn ein in den Wider auff den
11. tag des Merzens/morgens vmb 5. vnd 2. minuten
Iſt der 19. grad des Waſſermans im aſcendenten/
do abermals vns ein ganz rüwiger ſtand anzeigt wirt nit wol
wachsung aller fruchte/aber ich beſorg es werden der frucht hie
ſo vil nicht wachſen/wir werdens nachuolgendes jars wol be-
dürffen. Aber es ſchreyen alle Narren/Lieber Aſtronomie/wenn
wils ein mal gut werden? Den antwort ich/Nimmer/Dan wie
ſich die welt beſſert/alſo beſſern auch ſich jr einfluß/Ja es ſchry-
en die leut zu Salomons zeitē vmb beſſerung/da doch frid/wol
feyl/vnd geſunde zeyt war/meyneten eynts teyls/ſo der König
ſturb/es würd beſſer werdē/da er ſtarb was geſchach? Es ward
Krieg/Peſtilentz/Hunger/vnd regieret ſeyn ſon Roboam vbel/
vor Got vnd der welt. Derhalben wollen wir in dem mittel die-
ſes jars einfluß beſchreiben haben.

Von dem. xliij. Jar.

Mon.

Sonn.

Mon.

Mon.



Sontag Buchstab
Gülden zal

8. 2.
6.

Ist ein schalt jar.

Zwischen Weyhenacht vnd Fasnacht. 8. wochen vnd 5. tag.



Der Mon wirdt in disem Jar drey mal ganz be-
finstert / vnd die Sonn ein mal / auch gar nahe
gantz / Vnd wirdt die erst finsternus des Mons
dreyzehenthalf punct groß / auff donerstag nach
der Heyligen drey König tag / morgens vmb 5. v2
vnd 53. minuten / in dem 30. grad des Kreps.
Die Sonn verleurt iren scheyn. 11. punct vnd 17. minuten groß /
von oben herab / des Donerstags nach Agnetis / morgens vmb
8. v2 vnd 56. minuten / in dem 14. grad des Wassermans. Der
Mon verpflichtet widerumb auff Freitag nach Marie heimsuch-
ung nach mittag vmb 8. v2 vnd 28. minuten / auff achtzehent-
halb punct groß / in dem 21. grad des Steinpock's. Vnd zum
letzten wirdt der Mon abermals befinstert auff 14. punct groß
auff Montag in den Weyhenachten / morgens vmb 6. v2 vnd
7. minuten / in dem 18. grad des Kreps / Vnd gehet die Sonn in
den ersten punct des Widers auff den 10. tag des Mertzzen vor
mittag vmb 10. v2 vnd 52. minuten. Was man auß disen allen
influxionen erkennen mag / volget hernach. Es hat aber mich
Meyster Sixfar von Wien Andreas Perlachius / schier erschre-
cket / in dem als er saget / Die Finsternus bedeuten nichts arges /
Aber wenn sie jr Bedentnus öffnen / findt fürwar er in seyner ver-

C ij

manfft nicht. Also wolt ich auch sagen/Coniunctio maxima be-
deute nichts/darumb das sie nicht eben auff den tag / do sie ers-
schyne/etwas treffenlichs würckte / Er weyß aber nicht / das jr
yeglichs seyn eygne direction hat. Ich hab es dafür vnd glaub
es gantzlich / das des Stöfflers vnd Pflaumen Almanach mit
seiner kunst werde auff fliegen / Es seind der hümpler mer / die
do Almanach machen vnd ander ding / wenn aber die Ephes-
merides end nemen / als yetz in dem 31. Jar beschicht / werden sie
Bestehen wie butter an der Sonnen. Tun wie dem allem / es
werden im gegenwertigen Jar vier Finsternus / welche das
gantz jar so finster vnd dunckel machen werden / das ein yeder
sein eygen freund kaum kennen wirdt / Ja sich auch vor seynem
seynd nicht gnügsam hütten kan / Derhalben mag Bayern seyn
sach in hüt tragen / damit nicht ein schnell vnglück kumme / vnd
sie vbertast. Aber vil vngemach wirdt sich inn Neapolis erhe-
ben / vnd Portugal wirdt mangel tragen ab irem König. Dess-
gleichen wirdt in Schweden / Norwegen / auch Denmarck mör-
derische vnd zencfische auffrühr von wegen irer Herren vnd
heupter. Littaw / Kyffland / vnd diß gegend werden Herren er-
welen / Aber in disem jar werden sie wider zü grund gehen. Es
wirt der Soldanus Egypti widerumb erwecket / vnd ein mecht-
tiger Herr viler völkter an seyn stat erwelet. Vnd in disem Jar
wirdt Schweytz seyn horn plasen / vnd eynem das anhencken /
der one das ein horn hat / vnd wirdt dam vnterthenig dem / den
sie erwelet haben / vnd sie werden dardurch preysß erlangen / vnd
gelobt werden.

Der Römisch Kayser wirt in disem Jar one hilff gefunden /
vnd als ein verlassener von den seynen sitzen / Damit die andern
Fürsten werden das jr warten / vrsach / das sie frembder gest alle
tag warten sein / Sunst werden alle andere gemeyne völkter inn
vnmüt vnd sorg gefunden werden.

Von dem XLV. Jar.

Sonn.



Sontag Buchstab

D.

Gülden zal

7.

Zwischen Weyhenacht vnd Fasnacht 7. wochen vnd 3. tag.



Je Sonn wirt in diesem jar ires scheins auff vierdt
halb puncten beraubet / auff den Dinstag nach Bo
nifacij / morgens vmb 8. vñ 28. minuten in dem 27.
grad der Zwilling / vnd fahet das jar an auff den
10. tag Marcij nach mittag vmb 8. vnd 41. minu
ten / Ist dan der 28. Libre in dem ascendente / welchs vns sampta
lich fast in allen Landtschafften vngesunde vñ sterbliche zeit an
zeyget / welchs das Sundeckaw / Elfaß / Straßburg / auch Türns
berg vnd Lübeck mit sampt iren vmblygenden gegenden am Bes
sten mercken vñ erfahren werden. Schweiz / Schwaben / Wirts
temberg / Düringen vnd Hessen / werden gedachtem vnglück nit
wol entgehen mögen. Vnd in diesem jar wirt sich abermals ein
new feur in Osterreich vñ Bayern entzünden / Feindschafft vnd
widerrwertigkeit halben wirt das Churfürstenthum die Marck
zu Brandenburg angefochten / In Sophoy vñ in dem Delphis
nat / auch an andern orten Franckreichs / werden sich zwispeltig
keit mancherley hand erheben / vnter Edlen vnd vnedlen.

Der Römisch Kayser wirt ersucht mit etlichen Kranckheyten
vnd vngesell seynes leibs / wirt aber doch in diesem jar erhöhung
sehen seiner Kinder / vnd dieselben in wiriden vnd Herschafften
sehen auffsteygen. Andere Fürsten des Römischen Reichs wer
den mit eynem mitlen glück begabet. Rittermessige leut werden
güt glück haben. Vnd im diesem Jar vnd darnach werden die
Geistlichen widerumb erfrewet / vnd ein zeyt lang eynen bessern

C iij

stand haben. Die Kauffleut werden gut glück haben in iren sachen. Frawen vnd Junckfrawen werden mit lieb vnd freud umbfangen mer den andere jar. Das gemein handwercks volck aber wirt in gewin irer narung steen/auch die/so da iren gewin auß dem erdrich haben/die werden in genügsam finden.

Von dem. XLVI. Jar.

Sontag Buchstab

C.

Gülden zal

8.

Zwischen Weyhenacht vnd Fastnacht. 10. wochen vnd 2. tag.



Je direction der grossen Coniunction findet sich yetz in dem sibenden himelischen ort in Capricorn no/vnd ist dises jars anfang auff den. 11. tag des Merzen morgens vmb 2. vi vnd 30. minuten/ vñ 32. secunden/welchs der wachsenden frucht gute wolfeyle anzeygt/ Vnd wiewol in disem Jar die Geistlichen personen werden in zimlichem glück erhalten/wirt dennoch in vilen Geystlichen gütern mord vnd premen beschehen/vnd der blütigen Martialischen schwerdt erschreckung sehen. Nicht ein geringen schaden werden die Portugaleser vnd Neapolitaner in disem jar leyden. In Engelland/Brabandt/vnd Flandern werden sie mit vil vngesundtheit vnd Franckheit emsig beladē. Westphalen/Premen/auch Münster mit sampt vmbliegenden orten werden in gefar seyn/vnd mit vil vnruh bekümmert/vnd irer Herrschafften tod vnd schaden sehen.

Kayserliche Mayestat wirt in Eleynem gewin dises jars seint/ auch nicht sonderlich schaden nemen/sonder in gleicher wag erhalten. Dergleychen ander König/Churfürsten vñ Fürsten des Keychs sieg auch haben werden. Aber Kriegsvolck wirdt gut glück haben. Kauffleut werden in gutem gewin erhalten on gefehrliche reys vnd sorgen/Aber in widerwertigkeit wirt sich das gemeyn volck vnter eynander halten.

Von dem. XLVII. Jar.

Mon.



Mon.



Sonn.



Sontag Buchstab

Gülden zal

Zwischen Weyhenacht vnd Fastnacht 8. wochen vnd .1. tag.

3

9.

In diesem Jar werden drey finsternus. Nemlich der Mon wirdt befinstert. 8. puncten von oben herab auff den Mitswoch nach des Heyligen Creutz findung nach mittag umb 10. v. vnd .7. minuten in dem .23. grad des Scorpions. Wiederumb verleurt er seynen scheyn auff den tag Simonis vñ Jude / zwölffthalb puncten groß von vnden auff / in dem 15. grad des Stiers. Vnd die Sonn wirdt ires scheynes auff zehenthalb punct oben herab beraubt / auff Sonabend nach Martini nach mittag umb .1. vnd 58. minuten / im 30. grad des Scorpions / vnd gehet die Sonn in den ersten punct des Widens / auff den 11. tag Martij vor mittag umb 8. vnd 29. minuten / ist der 12. grad des Zwillings in dem ascendenten / welche constellationes vns samptlich bedeuten / das do werde kumen ein grosser feindt der Christen / welchem man kein vntrew vertrauen werde / aber er wirt der vil brauchen vnd vben / vnder dem scheyn des güten / wie vns dan die Collocation Saturni scheinbarlich anzeigt. In Denmarck / Norwegen vnd Schweden wirt krieg vnd blütters giessen / vnd werden gemeynlich alle Septentrionalische Sees stet hart betrübt werden. Solcher maß sol sich Preussen eben für sehen. Schweytz / auch Düringen / Hessen vnd Sachsen werden grosse zwitteracht haben / vnd wirdt sie der Ochsen stossen werden / darüber das newe Wappen des Ochsenhaupts schaden leyden

wirt/ Vnd der jung Hertzog in Schweytz wirt schaden nemen/ aber seyn herschafft darumb nicht zertrent/ Darumb wirdt das volck on ein haupt/ ein haupt erwelen/ ein gülden Ochsenhaupt mit silbern hörnern/ in eynem roten vnd blütigen schilt/ wirdt jr feld zeychen werden/ Vnd ob es in disem jar ein schaden empfas het/ wirdt es doch widerumb statlich auffgericht. In Vngern vnd Osterreich wirdt blütuer gieffen/ vnd ein schwarzer Adler wirt Osterreich nicht besizen/ noch vber sie herschen. Nürnberg Straßburg/ Sundgaw/ vnd Elßaß/ auch zum teyl Lübeck werden mit tödtlichen süchten vmbfangen werden/ vnd schnellen vergiffungen des lufftes.

Der Römisch Kayser wirdt haben ein glücklichen vnd fridlichen standt/ desgleichen zum teyl ander Fürsten des Keychs/ Martialische menschen werden unglücklich in irem fürnemen/ Kauffleut aber werden jr sach mit glück hinaus führen/ vnd in iren handlungen gewin haben/ Aber vil vnfalls wirdt das gemein volck/ handtwercker vnd andere/ haben.

Von dem. xlvij. Jar.

Mon.



Sontag Buchstab

A. G.

Ist ein schalt jar.

Gülden zal

11.


Zwischen Weyhenacht vnd Fastnacht 2. wochen vnd 0. tag.

Der Mon wirdt in disem jar 18. punct groß befinstert auff den abent Georgij martiris nach mittag vmb 11. vnd 4. minuten in dem 11. grad des Scorpions/ Vnd wirdt des jars anfang auff den. 10. tag Marcij nach mittag

mittag vmb 2. vnd 19. minutē/ist der 18. grad des Löwen in dem
ascendenten. In disem jar werdē die Kirchen widerumb in rhū
gesetz/aber ein mord wirt fallen vber die zwey heupter Geyst
lich vnd Weltlich/vnd an ire stat andere erwelt/die mit geringe
rem dann bis hieher beschehen/ersettigt werden. Vngern wirt in
vnglück schweben/vnd von seynen nachpaurn schaden empfa
hen. In Schweden/Norwegen werdē vngheorsam der Edlen
gesehen/vñ werden außtreiben wöllen ire heupter/dardurch an
dere Fürstenthum darneben auch betrübt werden. Theürung vñ
hunger wirt in Venedig werden vnd in andern vmbliegenden o
ten Welsches lands. Die Etsch vñ Tyrolische Graffschafft wirt
bekümmert vnd angefochten mit vneynigkeit/vñ darzü sterbliche
Kranckheit bekümmen. In Hispanien wirt ein Klag/vnd seine Für
sten werden trawren zwey gantze jar/vnd sie werden Freyheytē
verlieren/die jnen nymer mer widergeben. Aber der Hertzog in
Schweytz wirt in ehren schweben/mit all den seynen.

Der Römisch Kayser wirdt in disem jar vnterligen/vnd seya
nes leibs grosse schwachheit bekümmen/vnd als zū besorgen/den
todt. Andere Fürsten vnd Herren werden auch nicht in sonder
lichem glück erhalten. Rittermessige männer vnd Kriegsvolck
werden grossen vnfall vnd schaden haben. Kauffleut/dergley
chen Frawen vnd Junckfrawen werden in zimlichem glück er
halten/Aber das gemeyn volck wirdt abermals mit manchem
Kummer beladen/vnd in zencfischen auffrüren vnter eyinander
sich vneyns erhalten.

Von dem. XLIX. Jar.
Mon.



Sonntag Buchstab

J.

Gülden zal

11.

Zwischen Weyhenacht vnd Fastnacht. 9. wochen. 5. tag.

DS wirdt in diesem gegenwertigen Jar der Mon 2. puncten groß von vnden auff besinstert / auff den Freytag nach Judica nach mittag vmb 2. vnd 59. minuten / im ersten grad des Scorpions / Vnd fecht das jar an auff den Sonntag Inuocavit nach mittag vmb 8. vnd 8. minuten / Ist der 23. grad der Wag in dem ascendenten / in welchem jar sich zwischen gefreundten vnd verwandten vil haders vnd vneyngtkeyt erheben wirdt. Sophoy / Delphinat / vnd vmbliegende Franckreychische Stedt / werden mit vil mühe / sorg vnd angst vmbgeben / auch nicht geringe beschedigung von iren feynden empfaben. Westphalen / Braunschweyg / Münster / Premen / vnd andere Landtschafft in dieser gegend / werden mit Martialischen geschefften beladen / vnd in grossen vnruwigen sachen sich enthalten / wie dann der Herbst bey jnen wol anzeygen wirdt.

Der Römisch Kayser wirdt inn diesem Jar mit vil freuden vnd glücklichem fortgang inn allen seynen geschefften begabet / Andere Fürsten vnd Herren werden in gleychem glück erhalten wie yezgemeldet. Kriegfleut werden nicht glücklich / Frawen vnd Junckfrawen dergleychen. Kaufffleut werden in irem raysen vnd handlungen unglücklich. Vnd das gemeyn handtwercksvolck / wirdt inn diesem jar gnügsam fridlich vnd glücklich in irem fürnemen.

Von dem. L. Jar.

Sonntag Buchstab

K.

Gülden zal

12.

Zwischen Weyhenacht vnd Fastnacht 7. wochen vnd 4. tag.



Amitt ich nicht den Leser vberdüßig mach / müß
ich zum teyl mir selbs abbrechen / derhalben ich
es bey disem fünffzigsten jare bleyben wil las-
sen / Vnd secht dises jar an am Donnerstag nach
Oculi vor mittag vmb 1. vr vnd 53. minuten / Ist
der. 23. grad des Schützen in dem ascendenten /
Welches allenthalben nach meynem Bedürcken ein gnügsam
glückhaffig vnd fridlich jar würdt / in wachsung der frucht /
auch andern vnsern nutzungen / Wiewol im Welsch landen /
Rom vnd Florentz etlich auffrühr im kriegischen hendeln sich
begeben werden / Werden doch dargegen andere Landtschafft
in gnügsam frid eynig / als lang es abermal weren will / Vnd
auß disem zeytlichen vnfrid / inn den ewigen frid / helffe vns die
höchste ewige weyßheyt / **A M E N.**

Wernach volgt ein Prophecey oder weyßsagung Magistri Joannis Carionis Buetickeymensis / auß warhaffter gestirns züney- gung / den weysen vnd verstendigen zü ey- nem spiegel / vnd den thoren zü eyner verachtung.



Ich bin lang zeit willës gewesen / dem gemeinen nutz
zü güet etwas zuschreiben / damit die frumen möchtē
gewarnet werden / vñ die schalckhaffigen erschreckt
So kan ichs nit zum syem bringen / Aber ein wenig
wil ich anhenckē / so lang biß ich mitler zeit müßiger
werde / wil ichs in eynem sonderlichen büchlein deutlicher anzey-
gen / Dan es ist nicht eynem yeden gegeben die bedeutnis des ges-
tirns eynfluß auß gewise jar anzüzeygen / der arbeyt ich auch
der erst / Derwegen mir es mer in vermessenheyt / dan auß ander
weg außgelegt wirt werden / Vnd sage / das nachfolgende wort
sich nicht lenger erstrecken / dann vngesehr biß in das 1560. Jar
Darvmb wer oren hab der höre ic.

Weyssagunge.



In trauriger Adler flog in vil mühe vnd arbeits
lange zeit / setzet seiner jungen nest auff ein gülden
Thurn / Aber seyn angepome Kleydung war mit
drey teylen weiß nach der zwerch in rot. Der Adler
pflichtete die Lilien vnd verderbt ire pletter / vñ ver
wüßtet sein eygne federn / die do glyssen vor schwer
zen / vnd vil Thier mit jme erliten schaden. Er biß die Schlangē
vnd ward von jr widerumb gebissen / vnd nach vilen unglück
gab er sich zu rhū. Seyne jungen auff dem gülden thurn lebten
nicht lang / doch verliessen sie andere jungen / Die weiblichen flu
gen in die ende der Chrusten / eyne zu dem plawen Löwen in eyn
gülden stall / die die nesselbleter vbel verbranten / Die andern vn
ter den schutz des zwifachen Chrustenlichen creuzes / welche die
ungezembten hund hart betrubten / ermördten iren liebsten Win
den mit eynem gülden halßband. Vnd die zwen jungen Adler
warden in sanffter rhū in der jugent erzogen / aber sie warder so
sie kamen zu iren jaren / ire flügel müd machen. Der eltest Adler
empfecht ein kron / wirt sich legen in die Lilien vnd die verwüßte
vnd wirt mit eynen jungen Lilien sein haubt schmücken. Er wirt
gehen durch zehen güldene porten / vnd da freud empfahen / wirt
stercken den gülden thurn / vnd das creutz des schlahenden feror
eysens / wirt auch zam mache den gelben Löwen in dem plawen
wald. Er wirt der Schlangen ire zän außbrechen / das sie nicht
beyssen wirt / vnd dem Haupt aller Stet wirdt er die augen auß
stechen / vnd wirt die zum raub seynen Thieren geben. Aber der
Adler wirt weyche federn haben / vnd wirt tugenthafft vnd milt
vnd von andern vögeln leychtlich beweget / wirt gern folgen / vñ
endlich auch betrogen. Er wirt sich vnter stehen den Chrusten zu
helffen / aber er wirt wendig gemacht. Er wirt haben ein trewen
Vogel vnter jm / ein roten Adler mit eynem weyssen rad / der jm
arges nicht raten wirt. Im wirt ab vnd zufallen der gülden Löw
in dem roten stall / vñ ein wanckelisch wesen mit jm haben / aber
nicht groß vnrecht wirt der gülden Löw haben. Ein roter Löw

Carol
Osh...
148

Meslan

Demimarch
Cathar...

Ungern
Mama
Tuc...

Carol
G...
Carolus

Brubanc

M...and

Cardinal
Ricardus

neben dem gülden schilt vnd roten Lilien wirdt den Adler auff
dem gülden thurn anseynden/ aber der Adler wirdt ime zu hoch
gefessen. Der Adler wirt ein nest machen in des Jägers hauß/ vñ
den frumen Waydman mit vilen Thieren verfolgen/ das er wirt
wonen bey dreyen weissen fliegenden Adlern/ vnd bey den güldē
vnd auch punten Löwen/ Aber dem Jäger ist plaw vnd weisse
farb entgegen/ er wirt sich aber darein kleyden/ vnd die farb wirt
ime wolstehen/ vnd wirt mit im sein. Die hund werden dem zwi
fachen Chnstlichen creutz schaden thun/ Sie werden dem Adler
seyn angepome kleydung mit drey teyl weysß nach der zwerch in
rot zerreyssen. Die hund wolten gern beyssen den weissen Löwen
mit dem doppelten schwantz/ aber es wirt in nicht gestattet. Bö
se dück werden die Thier/ so dem weysen Adler im roten vogel
hauß vnterworffen/ an inen haben. Sie werden des weysen Ad
lers verlaugnen/ vnd wolten Hund vnd andere thier an sein stat
setzen/ Aber das geschlecht der Adler verlassen eyinander nicht/
sonder ein roter Adler erhelte den jungen weysen Adler in seinem
nest. Aber nach disen dingen allen wil sich auch nehern das ens
de der welt/ Darumb werden schwere zeyt mit vil kriegen vnd
andern verenderungen der welt/ Dann der schwarz Adler wirt
vngemach leyden/ vnd des andern jungen Adlers/ der doch mit
Adler heyst/ schaden sehen/ Dann im wirdt das zwifach creutz
empfallen/ vnd dann wirt das volck on ein haupt ein Herren er
welen/ Vnd der gülden Stierkopff mit den zwey silbern hör
nern in dem roten feld/ wirdt eynen grossen namen haben/ vnd
wirdt sich das gülden felde mit der roten strassen vber ort müs
sen brauchen lassen/ aber es wirt im vergolten vilfach/ Vnd dan
wirdt der schwarz Löw vnd die acht güldene zepter von einan
der getrendt/ vnd zwo herrschafft geheysen. Das hauß mit den
fünff schwarzen balcken in dem gülden felde wirdt beschedigt
werden von seynen eygnen sewlen/ vnd niemand wirdt im scha
den/ dann seyn eygen dach/ In dem entspringt das Klar Wort/
aber es wirdt wider von inen genommen/ dann sie vergreyssen
sich vnwissend in der Ordnung irer Kirchenknecht/ So das
würde recht geordnet/ wer es Got ein ehr/ vnd der welt ein nutz.

D iij

Eygot.

Kuchen

Berui

Turck
Vogel

Berui

Polen

Carah
widder
clade
Kudmadi
in Ulag.

Saxen

By and
 6-8
 Michel
 po
 Engell
 Carol
 Jupp
 laut Gall
 laut Bana
 Pfalz
 Gessen
 Boem
 Osterweid
 am
 Jupp
 Boema

Ich mayne es gut/verstehe mich recht/Der rot Adler wirt stey
 gen in ehren/und wirdt mit hilff zweyer gülden Löwen ehr er
 langen. Ein schwarzer Büffelkopff/ ein roter Greyff wirdt
 jme anhangen. Ein rot und schwarzer Adler wirdt in ansehe
 ten mit sampt halb weysß und roten Fleydern / sie werden aber
 nichts an jm vermögen. Dann der weysse man mit dem schwar
 zen Adler will seyn hilff nicht dar geben. Es wirdt der plaw
 Löw in den roten rosenplettern schwach werden/und seyne Fley
 ne thier werden von jm essen / und inn disen letzten zeyten wirdt
 der schwarz Adler niderlegen zepter und kron/Und eyner inn
 plaw und weysen Fleydern wirdt sie auffsetzen/ Sol aber sie
 jme Bleyben/so hat er glück / Dann der rot Adler / die zwen güld
 den Löwen/und die finff schwarzen Balcken werden darumb
 kriegen/Darumb ist geschriben / Ir wil werden ein Königreich
 regieren etc. Das rautenkrenzlein das lang verdunckelt ist gewe
 sen/wirdt auff das new gewunden/aber mit nesselu vermenget
 Doch werden die Nesselu doren/und die Rauten Bleybet ober
 winter grün. Ein güldener Löw in eynem plawen stall wirdt
 das weysß Rad auff heben/Und dann wirdt vnfrid / und wirdt
 das rot creutz eynem menschen verlyhen/der eynes argen lebens
 ist/und wirdt wenig trew halten/Darumb wirdt er von dem
 ampt des schwarzen Adlers mit dem apffel gezüchtiget/ Dann
 wirt der weysß/und rot pundt Löw etwas auß den seynen ver
 lieren/und dann ist der schwarz Adler nicht bekleydet mit drey
 strich weysß in rot/Der weysse Löw mit dem doppelten schwanz
 wirt auch gedächte Fleydung nicht mer führen. Wöllen also bes
 chliessen/und ein ander mal klerlicher darvon schreyben.

Beschluß.

Darumb gnediger Herr wil ich auff dis mal L. S. G.
 und andere Leser nicht weyter mer auff halten/unter
 thenigs fleyß bittende/dieselben wöllen mir (ob ich et
 wa zu tieff hineyn gegriffen) das in gnaden auffnes

men. **D**ann solch ding wil vnterweylen mer mit warheyt / dann
mit glimpff gesagt seyn. **V**nd ob sichs etwa vnterweylen verzö-
ge / das die eynflüß mit den jaren nicht vbereyn kummen / vnd
vmb ein jar auff vnd ab / felen würde (das ich doch nicht acht)
ist es mir wol zu vbersehen. **D**ann es ein schwer thun ist / die Be-
deutung auff ein jar zu rechnen. **S**o begibt es sich auch zum öf-
fermal / das in vier oder fünff meyl wegs / neher oder weyter im
eynem Fürstenthum sich die eynflüß verendern / wie dann ges-
chicht / das wir ein Stat oder Flecken sehē mit pestilenzischem
lufft vergiffet / vnd ein andere / ein meyl oder zwo darvon / ganz
gesichert vnd vnvergiffet. **S**o ist keynem Astronomo oder ges-
tirns erfarnen nymmer mer möglich / das er die ankunfft / vr-
sprung vnd anfang aller Land / Stet / Schlöffer vnd dörffer wiss-
sen möge / oder vnter welchem zeychen sie angefangen haben.
Oder (wie man sagt) wenn der erst stayn gelegt sey / wie man
dann in eynes yeden menschen gepurt thun kan / so man der jar /
monaten / vnd tagen mit iren fractionen gewiß ist / welchs ich
selbs fürwar zum öfftermal mit wunderbarlichen heymligkey-
ten erfarn hab. **W**iewol ich in dem keynem stern (on sonderlich
Gots verhencknus) krafft gib / allein das man vor augen der na-
tur so groß geheimnus sicht / in welcher die wunderwerck Göt-
licher mayestat so mit eynes sonderlichen warnung dem versten-
digen erzeygt vnd offenbart werden. **D**arumb G. J. vnd Herr /
hab ich in diser Prognostication etliche Königreich / Landt-
schafften / Fürstenthum vnd Stet / in ein Sum̄ geschlagen / wel-
che dann die örter der welt betreffen / die in iren complexionirten
naturen denselben iren zügeaygten hymnischen zeychen vnder-
worfen vnd mitteylig sein etc. Datum vt supra.

¶ Gedruckt zu Nürnberg durch
Georg Wachter.

Faint, illegible text, likely bleed-through from the reverse side of the page.



19/ Von Aringe wider den Turken.
M. Luffus. Wittenberg 1542. Lpsolanz.

20/ Das Epist Pauli Galat. 1. Auslegung
v. M. Luffus. Wittenberg 1538. Brixen.


21/ Das Buch der alttestamentlichen
liturgien. Wittenberg 1536. Gnesen.

22/ Donatio Constantini wunderbarlich
Luffus. Wittenberg 1537. Luff.

23/ Bericht aus feiliger Schrift, von der
Tafel in Jerusalem das Buch
in elub. In der Prudigen zu
Straßburg. In Münster, 1534.
Straßburg. Apianus.

156 Von Jesu Christo von Prudig. M.
Luffus. Wittenberg 1553. Lpsolanz.





Bedeutnis vnd offenba-
rung warer himlischer influentz
Alle Landschafft vnd Stend / mit irem glück vnd
vnglück / klerlich betreffend / Von dem 1540
jar zu jaren werende / Bis man schreybt
1550. jar. Gestellt durch C. F. G.
von Brandenburg hoch
ersarnen Mathes
maticum.

AD. Joha[n] Carion.

Gebessert vnd verlengt mit eyner verborrogenen
Prophecey desselben Carions / on allen
frembden anhang vnd zusatz.

